

大信掃地根本動搖會員等悚懼疑慮莫知所措夫法律不得以命令變更廢止之而以四人攝閣代理之政府更何能取消變更參議院所議決之優待條件矧該條件爲雙方合意之契約如有必需修正之時應由雙方磋商合意變更決非一方面所能單獨修正或變更之者况復出之於軍警威臨強迫勒令按法律原則在刑律之規定凡以威暴脅迫之行爲實施於人者應負加害之責任民法之原理凡出於強暴脅迫欺罔恐嚇之行爲當然不發生法律上之效力似此蹂躪法律失墜大信之事實乃以強迫威權加諸於遵守信約無辜無勇之清讓帝剝奪其自由意思以脅令承認而毀棄我五族共和國家大信不獨滿蒙回藏四族人心之所共憤抑亦全國志士仁人之所共恥以望五色國旗而涕零色變者也當彼之時清讓帝及皇族滿蒙各族人民之厲於京師者自有吞聲忍氣無如之何第念此等強迫行爲本不能發生效力在被害者於恢復意思自由之時當然得以訴請恢復原狀今幸我

總執政

司令

出臨大政
率師來京

謹掬誠撮述此項條件成立及被蹂躪之前後經過敢請我

賈明勇毅之總

執政

司令洞鑒一切亟予維持恢復以重昭大信於天下民國幸甚清室幸甚滿蒙回藏四族幸甚謹呈

總執政
司令鈞鑒

衍聖公來函

逕啟者頃閱

貴報來稿欄內所載全球聖教道德會宣言書中有公舉嘉樹總理會務兼代理正會長衍聖公事等語披讀之餘殊爲駭異查該會遠處滇省鄙人年穉能鮮實不堪充膺該會會長之職且該

會亦無選舉鄙人爲正會長之事姑不問該會宗旨如何鄙人且未與聞其事因恐傳聞失實特此聲明以明真相務望 貴報即將此函仍登來稿欄內俾衆周知而免疑慮是所至禱此致
李佳白博士

衍聖公孔德成啟

何謂帝國主義

沈素存

帝國主義者即在十九世紀列強採取推廣殖民地之政策而以全世界爲推廣殖民地之範圍推其源流實起於法國之革命及實業界之革命蓋後者發生鐵路輪船電報電信之便利致使交通無阻商業易興雖在天涯地角亦可爲推廣銷路之區故資本家欲在亞州非洲及南美洲發展實業也由前而論蓋法國革命之結果即國民戰勝封建制度及君主政體凡林種種之輩皆得參與政治以自護其商業並以推廣地點伸張國權爲國中之榮譽故帝國主義之發生

(一)由於一國不興則亡之政治哲學家之學說

(二)由於物競天擇之天演論

(三)由於自號文明國負宣揚文化於全世界之責任

(四)由於防止敵人犯境故推廣地域以便增加兵力

(五)因中古時代商業復興且有新大陸之發現

(六)因十八世紀時代列強欲瓜分地球之表示

(七)因教士等欲深入內地以傳教爲宗旨

(八)因資本家欲推廣商場且欲吸收原料